

漢魏六朝百三家集

漢東

孔王
少林
府師

第十七冊

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

V. 17-20

三
一
六
兩
六

王叔師集

PL
2494
H38
1879

v.1.7-20

王叔師集題詞

屈原在楚平王時以忠被疎作離騷
經頃襄王立放之江南復作九歌天
問九章遠遊卜居漁父大招自沉汨
羅其後楚宋玉作九辯招魂漢賈誼
作惜誓淮南小山作招隱士東方朔

三才集
卷一
作七諫嚴忌作哀時命王褒作九懷
劉向作九歎皆擬其文漢武時淮南
王安始作離騷傳向典校經書分爲
十六卷東京班固賈逵各作離騷章
句餘十五卷闕而不說至王逸復作
十六篇章句又續爲九思取班固二

序附之爲十七篇今世所行離騷皆
王本也東漢文苑王叔師父子皆有
名文考靈光殿賦與夢賦二篇世共
傳誦叔師文少有習者讀離騷乃見
之矣文字存亡常有時命或存已集
或附他書俱可不敝天壤叔師騷註

卽不能割本書獨行然自以爲與原
同產南陽土風哀思有足親者章句
諸篇與遺文並錄不類巨山詩序康
成詩譜哉

婁東張溥題

漢王叔師集目錄

賦

機賦

荔支賦

楚辭序

楚辭章句序

離騷章句

九歌章句

天問章句

九章章句

遠遊章句

卜居章句

漁父章句

九辨章句

招魂章句

大招章句

惜誓章句

招隱士章句

七諫章句

哀時命章句

九懷章句

九歎章句

論

折武論

騷

九思

逢尤

怨上

疾世

憫上

遭厄

悼亂

傷時

哀歲

守志

詩

琴思楚歌

附錄

本傳

王叔師集目錄終

東漢王叔師集卷全

漢 王逸叔師 著

明 張溥西銘 閱

賦

機賦

帝軒龍躍，庶業是昌。俯覃聖恩，仰覽三光。爰制
布帛，始垂衣裳。於是取衡山之孤桐，南嶽之洪
樟，結靈根於磐石，託九層於巖傍。性條暢以端
直，貫雲表而剡良。儀鳳晨鳴，翔其上。怪獸羣萃

而陸梁於是廼命匠人潛江奮驤踰五嶺越九
岡斬伐剖析擬度短長勝復迴轉尅像乾形大
匡淡泊擬則川平光爲日月蓋取昭明三軸列
布上法台星兩驥齊首儼若將征方圓綺錯微
妙窮奇蟲禽品獸物有其宜兔耳跼伏若安若
危猛犬相守竄身匿蹄高樓雙峙下臨清池遊
魚銜餌澆潏其陂鹿盧竝起織繳俱垂一往一
來匪勞匪疲於是暮春代謝朱明達時蠶人告
訖舍罷獻絲或黃或白密臘凝脂纖纖靜女經

之絡之。爾乃窈窕淑媛，美色貞怡，解鳴珮，釋羅衣，披華幕，登神機，乘輕杼，覽牀帷，動搖多容，俯仰生姿。

荔支賦

暖若朝雲之興，森如橫天之慧，湛若大厦之容，鬱如峻嶽之勢，修幹紛錯，綠葉臻臻，灼灼若朝霞之暎日，離離如繁星之着天，皮似丹雘，膚若明璫，潤侔和璧，奇喻五黃，仰歎麗表，俯嘗嘉味，口含甘液，心受芳氣，兼五滋而無當，主不知百

和之所出卓絕類而無儔超衆果而獨貴

楚辭序

楚辭章句敘

敘曰昔者孔子叡聖明喆天生不王俾定經術
乃刪詩書正禮樂制作春秋以爲後王之法門
人三千罔不昭達臨終之日則大義乖而微言
絕其後周室衰微戰國竝爭道德陵遲譎詐萌
生於是楊墨鄒孟孫韓之徒各以所知著造傳
記或以述古或以明世而屈原履忠被譖憂悲
愁思獨依詩人之義而作離騷上以諷諫下以

自慰。遭時暗亂。不見省納。不勝憤懣。遂復作九
歌以下凡二十五篇。楚人高其行義。瑋其文采。
以相教傳。至於孝武帝。恢廓道訓。使淮南王安
作離騷經章句。則大義粲然。後世雄俊。莫不瞻
仰。攄舒妙思。續述其詞。逮至劉向。典校經書。分
以爲十六卷。孝章卽位。深弘道藝。而班固賈逵
復以所見。改易前疑。各作離騷經章句。其餘十
五卷。闕而不說。又以壯爲狀。義多乖異。事不要
撮。今臣復以所識所知。稽之舊章。合之經傳。作

十六卷章句。雖未能究其微妙。然大指之趣略可見矣。且人臣之義。以中正爲高。以仗節爲賢。故有危言以存國。殺身以成仁。是以伍子胥不恨于浮江。比干不悔于剖心。然後德立而行成。榮顯而名稱。若夫懷道以逃國。佯愚而不言。顛則不能扶危。則不能安。婉婉以順上。逡巡以避患。雖保黃耆。終壽百年。蓋志士之所恥。愚夫之所賤也。今若屈原。膺忠貞之質。體清潔之性。直若砥矢。言若丹青。進不隱其謀。退不顧其命。此

誠絕世之行。俊彥之英也。而班固謂之露才揚已。競於羣小之中。怨恨懷王。譏刺椒蘭。苟欲求進。強非其人。不見容納。忿恚自沈。是虧其高明。而損其清潔者也。昔伯夷。叔齊。讓國守志。不食周粟。遂餓而死。豈可復謂有求於世。而恨怨哉。且詩人怨主。刺上。曰。嗚呼小子。未知臧否。匪面命之。言提其耳。風諫之語。於斯爲切。然仲尼論之以爲大雅。引此比彼。屈原之詞。優游婉順。甯以其君不知之故。欲提攜其耳乎。而論者以爲

露才揚已。怨刺其上。強非其人。殆失厥中矣。夫
離騷之文。依託五經。以立義焉。帝高陽之苗裔。
則詩厥初。生民時惟姜嫄也。紉秋蘭以爲佩。則
將翺將翔。佩玉瓊琚也。夕攄洲之宿莽。則易潛
龍勿用也。駟玉虬而乘鸞。則易時乘六龍以御
天也。就重華而陳詞。則尚書咎繇之謀謨也。登
崑崙而涉流沙。則禹貢之敷土也。故智彌盛者。
其言博。才益劭者。其識遠。屈原之詞。誠博遠矣。
自孔邱終後以來。名儒博達之士。著造詞賦。莫

不擬則其儀表祖式其模範取其要妙竊其華藻所謂金相玉質百歲無匹名垂罔極永不刊滅者也

離騷經章句

離騷經者屈原之所作也。屈原與楚同姓仕于懷王爲三閭大夫三閭之職掌王族三姓曰昭屈景屈原序其譜屬率其賢良以厲國士入則與王圖議政事決定嫌疑出則監察羣下應對諸侯謀行職修王甚珍之同列大夫上官靳尚

妬害其能，共譖毀之。王乃疏屈原，屈原執履忠
貞，而被讒，憂心煩亂，不知所愬，乃作離騷經，
離別也。騷，愁也。經，徑也。言以放逐離別，中心愁
思，猶陳直徑以風諫君也。故上述唐虞三代之
制，下序桀紂羿澆之敗。冀君覺悟，及于正道而
還已也。是時秦昭王使張儀譎詐懷王，令絕齊
交。又使誘楚，請與俱會武關，遂脇與俱歸，拘留
不遣。卒客死于秦。其子襄王復用讒言，遷屈原
于江南，而屈原放在山野，復作九章，援天引聖。

以。自。證。明。終。不。見。省。不。忍。以。清。白。久。居。濁。世。遂。
赴。汨。淵。自。沉。而。死。離。騷。之。文。依。詩。取。興。引。類。譬。
諭。故。善。鳥。香。艸。以。配。忠。貞。惡。禽。臭。物。以。比。讒。佞。
靈。修。美。人。以。媲。于。君。宓。妃。佚。女。以。譬。賢。臣。虬。龍。
鸞。鳳。以。託。君。子。飄。風。雲。霓。以。爲。小。人。其。詞。溫。而。
雅。其。義。皎。而。朗。凡。百。君。子。莫。不。慕。其。清。高。嘉。其。
文。采。哀。其。不。遇。而。閔。其。志。焉。

九歌章句

九歌者。屈原之所作也。昔楚南郢之邑。沅湘之

間其俗信鬼而好祀。其祠必作樂鼓舞以樂諸神。屈原放逐。竄伏其域。懷憂苦毒。愁思怫鬱。出見俗人祭祀之禮。歌舞之樂。其詞鄙陋。因爲作九歌之曲。上陳事神之敬。下以見已之冤結。託之以風諫。故其文意不同。章句雜錯。而廣異義焉。

天問章句

天問者。屈原之所作也。何不言問天天。尊不可問。故曰天問也。屈原放逐。憂心愁悴。彷徨山澤。

經。歷。陵。陸。嗟。號。旻。昊。仰。天。嘆。息。見。楚。有。先。王。之。
廟。及。公。鄉。祠。堂。圖。畫。天。地。山。川。神。靈。琦。瑋。儔。侁。
及。古。賢。聖。怪。物。行。事。周。流。罷。倦。休。息。其。下。仰。見。
圖。畫。因。書。其。壁。呵。而。問。之。以。渫。憤。懣。舒。瀉。愁。思。
楚。人。哀。惜。屈。原。因。共。論。述。故。其。文。義。不。次。敘。云。
敘。曰。昔。屈。原。所。作。凡。二。十。五。篇。世。相。教。傳。而。莫。
能。說。天。問。以。文。義。不。次。又。多。奇。怪。之。事。自。太。史。
公。口。論。道。之。多。所。不。逮。至。於。劉。向。楊。雄。援。引。傳。
記。以。解。說。之。亦。不。能。詳。悉。所。闕。者。衆。多。無。聞。焉。

既有解說。乃復多連蹇其文。濛濛其說。故厥義不昭。微指不皙。自游覽者靡不苦之。而不能照也。今則稽之舊章。合之經傳。以相發明。爲之符驗。章決句斷。事事可曉。俾後學者永無疑焉。

九章章句

九章者。屈原之所作也。屈原於江南之楚。思君念國。憂思罔極。故復作九章。章者。著明也。言已所陳忠信之道。甚著明也。卒不見納。委命自沈。楚人惜而哀之。世論其詞。以相傳焉。

遠遊章句

遠遊者。屈原之所作也。屈原履方直之行。不容
于世。上爲讒佞所譖毀。下爲俗人所困極。章皇
山澤。無所告訴。乃深惟元一。修執恬漠。思欲濟
世。則意中憤然。文采秀發。遂敘妙思。託配仙人。
與俱遊戲。周歷天地。無所不到。然猶懷念楚國。
思慕舊故。忠信之篤。仁義之厚也。是以君子珍
重其志。而瑋其辭焉。

卜居章句

卜居者，屈原之所作也。屈原履忠貞之性，而見嫉妬，念讒佞之臣，承君順非而蒙富貴，已執忠直而身放棄，心迷意惑，不知所爲，乃往至太卜之家，稽問神明，決之蓍龜。卜已居世，何所宜有，冀問異策，以定嫌疑。故曰卜居也。

漁父章句

漁父者，屈原之所作也。屈原放逐，在江湘之間，憂愁嘆吟，儀容變易，而漁父避世隱身，釣漁江濱，欣然自樂。時遇屈原，川澤之域，怪而問之，遂

相應答。楚人思念屈原。因敘其辭以相傳焉。

九辨章句

九辨者。楚大夫宋玉之所作也。辨者。變也。謂陳
道德。以變說君也。九者。陽之數。道之綱紀也。故
天有九星。以正機衡。地有九州。以成萬邦。人有
九竅。以通精明。屈原懷忠貞之性。而被讒邪。傷
君閭蔽。國將危亡。乃援天地之數。列人形之要。
而作九歌九章之頌。以諷諫懷王。明已所言。與
天地合度。可履而行也。宋玉者。屈原弟子也。閔

惜其師忠而放逐。故作九辨以述其志。至於漢興。劉向王褒之徒。咸悲其文。依而作詞。故號爲楚詞。亦承其九以立義焉。

招魂章句

招魂者。宋玉之所作也。招者。召也。以手曰招。以言曰召。魂者。身之精也。宋玉憐哀屈原忠而斥棄。愁懣山澤。魂魄放佚。厥命將落。故作招魂。欲以復其精神。延其年壽。外陳四方之惡。內崇楚國之美。以諷諫懷王。興其覺悟而還之也。

大招章句

大招者，屈原之所作也。或曰：景差，疑不能明也。屈原放流九年，憂思煩亂，精神越散，與形離別。恐命將終，所行不遂，故憤然大招其魂，盛稱楚國之樂，崇懷襄之德，以比三王，能任用賢，公卿明察，能薦舉人，宜輔佐之，以興至治。因以風諫達已之志也。

惜誓章句

惜誓者，不知誰所作也。或曰：賈誼，疑不能明也。

惜者哀也。誓者信也。約也。言哀惜懷王與已。信約而復背之也。古者君臣將共爲治。必以信誓相約。然後言乃從而身以親也。蓋刺懷王有始無終也。

招隱士章句

招隱士者。淮南小山之所作也。昔淮南王安博雅好古。招懷天下俊偉之士。自八公之徒。咸慕其德而歸其仁。各竭才智。著作篇章。分造辭賦。以類相從。故或稱小山。或稱大山。其義猶詩有。

三才圖會
小雅大雅也。小山之徒閔傷屈原。又怪其文昇
天。乘雲役使百神。似若仙者。雖身沉沒。名德顯
聞。與隱處山澤無異。故作招隱士之賦。以章其
志也。

七諫章句

七諫者。東方朔之所作也。諫者。正也。謂陳法度
以諫正君也。古者人臣三諫不從。退而待放。屈
原與楚同姓。無相去之義。故加爲七諫。慤慤之
意。忠厚之節也。或曰七諫者。法天子有爭臣七

人也。東方朔追閔屈原，故作此辭以述其志，所以昭忠信，矯曲朝也。

哀時命章句

哀時命者，嚴夫子之所作也。夫子名忌，與司馬相如俱好辭賦，客遊于梁。梁孝王甚奇重之，忌哀屈原受性忠貞，不遭明君，而遇暗世，斐然作辭，嘆而述之，故曰哀時命也。

九懷章句

九懷者，諫議大夫王褒之所作也。懷者，思也。言

屈原雖見放逐。猶思念其君。憂國傾危。而不能忘也。褒讀屈原之文。嘉其溫雅。藻采敷衍。執握金玉。委之污瀆。遭世溷濁。莫之能識。追而愍之。故作九懷。以裨其詞。史官錄策。遂列于篇。

九歎章句

九歎者。護左都水使者光祿大夫劉向之所作也。向以博古敏達。典校經書。辯章舊文。追思屈原忠信之節。故作九歎。歎者。傷也。息也。言屈原放在山澤。猶傷念君。歎息無已。所謂讚賢以輔。

志騁詞以曜德者也。

九思章句

九思者王逸之所作也。自屈原終沒之後，忠臣介士遊覽學者，讀離騷九章之文，莫不愴然心爲悲感，高其節行，妙其麗雅。至劉向、王褒之徒，咸嘉其義，作賦騁辭，以讚其志，則皆列于譜錄。世世相傳，逸與屈原同土共國，悼傷之情與凡有異。竊慕向、褒之風，作頌一篇，號曰九思，以裨其辭，未有解脫，故聊訓誼焉。

三才集卷八
三
三

論

折武論

苞含六藝、游覽百家用、道德爲弓、弩仁義爲鎧、

甲

北堂書鈔載王逸臨豫州教云、
舉遺逸于山藪、黜奸邪于邦國、

王叔師集

卷全

論

論

三才集卷八

三才集

騷

九思

悲兮愁、哀兮憂、天生我兮當閭時、被詠譖兮虛
獲尤、心煩憤兮意無聊、嚴載駕兮出戲遊、周八
極兮厯九州、求軒轅兮索重華、世旣卓兮遠眇、
眇握佩玖兮中路、躇美臯繇兮建典謨、懿風后
兮受瑞圖、愍余命兮遭六極、委玉質兮於泥塗、
遽偉遑兮驅林澤、步屏營兮行邱阿、車軌折兮
馬虺頽、蹇悵立兮涕滂沱、思丁文兮聖明哲、哀

平差兮迷謬。愚呂傳舉兮殷周興。思豁專兮郢
吳虛。仰長歎兮氣飲結。悵殞絕兮活復蘇。虎兇
爭兮於廷中。豺狼鬪兮我之隅。雲霧會兮日冥
晦。飄風起兮揚塵埃。走鬯定兮作東西。欲竄伏
兮其焉如。念靈閨兮與重深。輒願竭節兮隔無
繇。望舊邦兮路委隨。憂心悄悄兮志勤劬。魂
煢煢兮不遑寐。日眩眩兮寤終朝。

右逢尤

令尹兮謇謇。羣司兮譴譴。哀哉兮淟淟。上下兮

同流菽藟兮蔓衍芳藹兮挫枯朱紫兮雜亂曾
莫兮別諸倚此兮巖穴永思兮窈悠嗟懷兮眩
惑用志兮不昭將喪兮玉斗遺失兮鈕樞我心
兮煎熬惟是兮用憂集慕兮九旬退顧兮彭務
擬斯兮二蹤未知兮所投謠吟兮中野上察兮
璇璣大火兮西睨攝提兮運低雷霆兮硤礚電
霰兮霏霏奔電兮光晃涼風兮愴悽鳥獸兮驚
駭相從兮宿棲鴛鴦兮噍噍狐狸兮微微哀吾
兮介特獨處兮罔依螻蛄兮鳴東蝻齧兮號西

載緣兮我裳。蠲入兮我懷。蟲豸兮夾余。惆悵兮
自悲。行立兮忉忉。心結縉兮折挫。

右怨上

周徘徊兮漢渚。求水神兮靈女。嗟此國兮無良。
謀女訕兮譴謖。鸚雀列兮譁譁。鵠鵠鳴兮聒余。
抱昭華兮寶璋。欲銜鬻兮莫收。言逝邁兮北徂。
叫我友兮配耦。日陰暄兮未光。聞晞晞兮靡晞。
紛載驅兮高馳。將諮詢兮皇義。遵河臯兮周流。
路變易兮時乖。瀾滄海兮東逝。沐盥浴兮天池。

訪太昊兮道要。云靡貴兮仁義。志欣樂兮反征。
就周文兮邠岐。秉玉英兮結誓。日欲暮兮心悲。
惟天祿兮不再。背我信兮自違。踰隴堆兮渡漠。
過桂車兮合黎。赴崑山兮鬲驂。從盧敖兮棲遲。
吮玉液兮止渴。齧芝華兮療飢。居嶢廓兮眇疇。
遠梁昌兮幾迷。望江漢兮濩渚。心緊參兮傷懷。
時朏朏兮且旦。塵漠漠兮未晞。憂不暇兮寢食。
吒增歎兮如雷。

右疾世

哀世兮睭睭、譏譏兮噍噍、衆多兮阿媚、靡兮
成俗、貪枉兮黨比、貞良兮犢獨、鵠竄兮枳棘、鵲
集兮帷幄、薊紫兮青葱、藁本兮萎落、覩斯兮僞
惑、心爲兮隔錯、逡巡兮圃藪、率彼兮眈陌、川谷
兮淵淵、山島兮砢砢、叢林兮嶮嶮、林榛兮岳岳
霜雪兮漼漼、冰凍兮洛澤、東西兮南北、罔所兮
歸薄、鹿麋兮枯樹、匍匐兮巖石、蹉跎兮寒局、數
獨處兮志不申、年齒盡兮命迫促、魁纍擠摧兮
常困辱、含憂強老兮愁無樂、鬚髮蔓頽兮顙鬢

白思靈澤兮一膏沐。懷蘭英兮把瓊若。待天明
兮立躑躅。雲濛濛兮電儵爍。孤鷗驚兮鳴啁啾。
思怫鬱兮肝切剝。忿悁悵兮孰訴告。

右憫上

悼屈子兮遭厄。沈玉躬兮湘汨。何楚國兮難化。
迄于今兮不易。士莫志兮羔裘。競佞諛兮讒閱。
閱。指正義兮爲曲。訛璧玉兮爲石。鵲鵬遊兮華
屋。鵲鵲棲兮柴簇。起奮迅兮奔走。違羣小兮謨
詢。載青雲兮上昇。適昭明兮所處。躡天衢兮長

驅踵九陽兮戲蕩越雲漢兮南濟秣余馬兮河
鼓霄霓紛兮晻翳參辰回兮顛倒逢流星兮問
路顧指我兮從左俚姬觜兮直馳御者迷兮失
軌遂踢達兮邪造與日月兮殊道志闕絕兮安
如哀所求兮不耦攀天階兮下視見鄢郢兮舊
宇意逍遙兮欲歸衆穢盛兮杳杳思哽饁兮詰
訕涕流瀾兮如雨

右遭厄

嗟嗟兮悲夫殺亂兮紛挐茅絲兮同縶冠履兮

共絢督萬兮侍宴周邵兮負蕪白龍兮見射靈
龜兮執拘仲尼兮困厄鄒衍兮幽囚伊余兮念
茲奔遁兮隱居將升兮高山上有兮猴猿欲入
兮深谷下有兮虺蛇左見兮鳴鵙右睹兮呼梟
惶悸兮失氣踴躍兮距跳便旋兮中原仰天兮
增嘆菅蒯兮野荼藿葦兮千眠鹿蹊兮躑躑
貉兮蟬蟬鸛鶴兮軒軒鵲鵲兮甄甄哀痛兮寡
獨靡有兮匹倫意欲兮沈吟追日兮黃昏立鶴
兮高飛增逝兮青冥鷁鷁兮喈喈山鵲兮嚶嚶

鴻鸛兮振翅，歸鴈兮于征。吾志兮覺悟，懷我兮
聖京。垂屣兮將起，跼埃兮須明。

右悼亂

惟昊天兮昭靈，陽氣發兮清明。風習習兮和煖，
百艸萌兮華榮。堇荼茂兮敷疏，蘅芷彫兮瑩嫻。
愍貞良兮遇害，將天折兮碎糜。時混混兮澆醞，
哀當世兮莫知。覽往昔兮俊彥，亦訕辱兮係纍。
管束縛兮桎梏，百貿易兮傳賣。遭桓繆兮識舉，
才德用兮列施。且從容兮自慰，玩瑟瑟兮遊戲。

迫中國兮逌陬。吾欲之兮九夷。超五嶺兮嗟峨。
觀浮石兮崔嵬。陟丹山兮炎野。屯余車兮黃支。
就祝融兮稽疑。嘉已行兮無爲。乃回謁兮北逝。
遇神媼兮冥娛。欲靜居兮自娛。心愁感兮不能。
放余轡兮策駟。忽風騰兮雲浮。躡飛杭兮越海。
從安期兮蓬萊。緣天梯兮北上。登太一兮玉臺。
使素女兮鼓簧。秉戈和兮謳謠。聲噉詭兮清和。
音晏衍兮要娛。咸欣欣兮酣樂。余眷眷兮獨悲。
顧章華兮太息。志戀戀兮依依。

右傷時

旻天兮清涼、玄氣兮高朗、北風兮潦烈、艸木兮
蒼唐、呶呶兮噍噍、唧蛆兮穰穰、歲忽忽兮惟暮、
余感時兮悽愴、傷俗兮泥濁、矇蔽兮不章、寶彼
兮砂礫、捐此兮夜光、椒瑛兮涅汙、藁耳兮充房、
攝衣兮緩帶、操戈兮墨陽、昇車兮命僕、將馳兮
四荒、下堂兮見蠹、出門兮觸蠶、巷有兮蚰蜒、邑
多兮螳螂、睹斯兮嫉賊、心爲兮切傷、俛念兮子
胥、仰憐兮比干、投劍兮脫冕、龍屈兮蛇蟠、潛藏

兮山澤，匍匐兮叢攢，窺見兮溪澗，流水兮汙汙。
鼃鼃兮欣欣，鱸鮎兮延延，羣行兮上下，駢羅兮
列陳，自恨兮無友，特處兮煢煢，冬夜兮陶陶，雨
雪兮冥冥，神光兮頽頽，鬼火兮熒熒，修德兮困
挫，愁不聊兮遑生，憂紆兮鬱鬱，惡所兮寫情。

右哀歲

陟玉巒兮逍遙，覽高岡兮曉曉，桂樹列兮紛敷，
吐紫華兮布條，實孔鸞兮所居，今其集兮惟鴉，
鳥鵲驚兮啞啞，余顧瞻兮怊怊，彼日月兮闇昧，

障覆天兮祲氛伊我后兮不聰焉陳誠兮効忠
攄羽翮兮超俗遊陶遨兮養神乘六蛟兮蛇蟬
遂馳騁兮陞雲揚華光兮爲旗秉電策兮爲鞭
朝晨發兮鄢郢食時至兮增泉繞曲阿兮北次
造我車兮南端謁玄黃兮納贄崇忠貞兮彌堅
厯九宮兮徧觀睹秘藏兮寶珍就傳說兮騎龍
與織女兮合婚舉天畢兮掩邪殼天弧兮射姦
隨真人兮翱翔食元氣兮長存望太微兮穆穆
睨三階兮炳分相輔政兮成化建烈業兮垂勳

日瞥瞥兮西沒，道遐迥兮阻嘆。志穉積兮未通，
悵敞罔兮自憐。

右守志

辭曰：天庭明兮雲霓藏，三光朗兮鏡萬方。斥蜥
蜴兮進龜龍，策謀從兮翼機衡。配稷契兮恢唐
功，嗟英俊兮未爲雙。

詩




琴思楚歌

盛陰脩夜何難曉，思念糾戾腸摧繞。時節晚暮，
年齒老冬夏更運去，若顏寒來暑往難逐追。形
容減少，顏色虧時，忽晻晻若驚馳。意中私喜施
用爲內，無所恃失本義志願，不得心肝沸憂懷。
感結重嘆噫，歲月已盡去，奄忽亡官失祿去家
室。思想君命幸復位，久處無成卒放棄。

王逸本傳

王逸字叔師，南郡宜城人也。元初中舉上計吏，爲校書郎。順帝時爲侍中，著楚辭章句行於世。其賦誄書論及雜文，凡二十一篇。又作漢詩百一十三篇。子延壽，字文考，有雋才，少游魯國，作靈光殿賦。後蔡邕亦造此賦，未成，及見延壽所爲，甚奇之，遂輟翰而已。曾有異夢，意惡之，乃作夢賦以自厲。後溺水死，時年二十餘。

王叔師集終



品山歌集

品山歌集

卷一

一

一

一

孔少府集

孔少府集題辭

魯國男子孔文舉年大於曹操二歲
家世聲華曹氏不敵其詩文益非操
所敢望也操殺文舉在建安十三年
時僭形已彰文舉旣不能誅之又
不能遠之並立衰朝戲謔笑傲激其忌

怒無啗肉餒餒虎此南陽管樂所深
悲也曹不論文首推北海金帛募錄
比於楊班脂元升往哭文舉官以中
散丕好賢知文十倍於操然令文舉
不死親見漢帝禪受當塗盜鼎亦必
舉族沉焚所恨者其死先操狐鼠晏

行攘袂之日天下遂無孔父仇牧耳
文舉天性樂善甄臨配食虎賁同坐
死不相負何況生存盛憲困於孫權
葆首急難襁衡謝該淪落下士抗章
推舉今讀其書表如鮑子復生禽息
不沒彼之大度豈止六國四公子乎

而道窮命盡不能庇九歲之男七歲
之女天道無親其言不信猶黨錮餘
烈哉陳畱路粹中郎弟子也呈身漢
賊奏殺賢者與馬融役於梁冀等耳
東漢詞章拘密獨少府詩文豪氣直
上孟子所謂浩然非耶琴堂衣冠客

滿酒盈予尚能想見之

婁東張溥題

建文題辭

題詞卷之三

孔少府集目錄

表疏

薦禰衡表

崇國防疏

上書

薦謝該上書

上漢帝書

奏宜准古王畿制書

上三府所辟稱故吏事

奏馬賢事

對

東海王祭禮對

教

告高密縣立鄭公鄉教

脩鄭公宅教

告昌安縣教

下高密恤鄧子然教

答王脩教

又

書

與曹操論盛孝章書

與曹操論酒禁書

又

明曹操討烏桓書

報曹操書

答虞翻書

與韋甫休書

又

與王朗書

與張紘書

又

喻邴原書

與邴原書

與諸卿書

與宗從弟書

與許博士書

論

汝穎優劣論

聖人優劣論

又

周武王漢高祖論

議

馬日磾不宜加禮議

肉刑議

碑

衛尉張儉碑

詩

離合作郡姓名字詩

雜詩二首

臨終詩

六言三首

失題

附錄

本傳

孔少府集卷全

漢魯國孔融著

明太倉張溥閱

表疏

薦禰衡表

劉勰云文舉之薦禰衡氣揚采

臣聞洪水橫流。帝思俾乂。旁求四方。以招賢俊。昔世宗繼統。將弘祖業。疇咨熙載。羣士響臻。陛下獻聖纂承基緒。遭遇厄運。勞謙日仄。惟嶽降神。異人竝出。竊見處士平原禰衡。年二十四。字

正平淑質貞亮。英才卓犖。初涉藝文。升堂覩奧。
目所一見。輒誦於口。耳所暫聞。不忘於心。性與
道合。思若有神。弘羊潛計。安世默識。以衡準之。
誠不足怪。忠果正直。志懷霜雪。見善若驚。疾惡
若讐。任座抗行。史魚厲節。殆無以過也。鷙鳥累
百。不如一鶚。使衡立朝。必有可觀。飛辯騁辭。溢
氣坌涌。解疑釋結。臨敵有餘。昔賈誼求試屬國。
詭繫單于。終軍欲以長纓牽致勁越。弱冠慷慨。
前世美之。近日路粹嚴象。亦用異才。擢拜臺郎。

衡宜與比。如得龍躍天衢。振翼雲漢。揚聲紫微。
垂光虹蜺。足以昭近署之多士。增四門之穆穆。
鈞天廣樂。必有奇麗之觀。帝室皇居。必畜非常
之寶。若衡等輩。不可多得。激楚陽阿。至妙之容。
賞伎者之所貪。飛兔騶褭。絕足奔放。良樂之所
急也。臣等區區。敢不以聞。陛下篤慎取士。必須
効試。乞令衡以褐衣召見。必無可觀采。臣等受
面欺之罪。

崇國防疏

竊聞領荊州牧劉表、桀逆放恣、所爲不軌、至乃
郊祭天地、擬儀社稷、雖昏僭惡極、罪不容誅、至
於國體、宜且諱之。何者、萬乘以重天、王至尊、身
爲聖躬、國爲神器、陞級懸遠、祿位限絕、猶天之
難階、日月之不可踰也。每有一豎臣、輒去圖之、
若形之四方、非所以杜塞邪萌、愚謂雖有重戾、
必宜隱忍。賈誼所謂擲鼠忌器、蓋謂此也。是以
齊兵次楚、唯責包茅、王師敗績、不書晉人、前以
露袁術之罪、今復下劉表之事、是使跛牂欲闖

高岸天險可得而登也。案表跋扈擅誅列侯。遏
絕詔命。斷盜貢篚。招呼元惡。以自營衛。專爲羣
逆。主萃淵藪。郤鼎在廟。章孰甚焉。桑落瓦解。其
孰可見。臣愚以爲宜隱郊祀之事。以崇國防。

書

薦謝該上書

臣聞高祖創業。韓彭諸將征討暴亂。陸賈叔孫
通進說詩書。光武中興。吳耿佐命。范升衛宏。修
述舊業。故能文武竝用。成長久之計。陛下聖德
欽明。同符二祖。勞謙克運。三年乃謹。今尚父鷹
揚。方叔翰飛。王師電驚。羣凶破殄。始有縶弓臥
鼓之次。宜得名儒典綜禮紀。竊見故公車司馬
令謝該。體曾史之淑性。兼商偃之文學。博通羣

藝周覽古今。物來有應。事至不惑。清白異行。敦
悅道訓。求之遠近。少有疇匹。若乃巨骨出吳。隼
集陳庭。黃能入寢。亥有二首。非夫洽聞者。莫識
其端也。雋不疑定北闕之前。夏侯勝辯常陰之
驗。然後朝士益重儒術。今該實卓然。比跡前列。
間以父母老疾。棄官欲歸。道路險塞。無由自致。
猥使良才抱璞而逃。踰越山河。沈淪荆楚。所謂
往而不反者也。後日當更饋樂以釣。由余尅像。
以求傳說。豈不煩哉。臣愚以爲可推錄。所在召。

該令還楚人止孫卿之去國。漢朝追匡衡於平原。尊儒貴學。惜失賢也。

上漢帝書

先帝褒厚老臣。懼其殞越。是故扶接。助其氣力。三公刺腋。近爲憂之。罪驚戒也。云備大臣。非其類也。

詩也

三

三公曰卿以命之

夫詩也聖人

主對管

應事而後

而令聖人

教

告高密縣立鄭公鄉教

昔齊置士鄉。越有君子軍。皆異賢之意也。鄭君
好學。實懷明德。昔太史公。廷尉吳公。謁者僕射
鄧公。皆漢之名臣。又商山四皓。有園公。夏黃公。
潛光隱耀。世加其高。皆悉稱公。然則公者。仁德
之正號。不必三事大夫也。今鄭君鄉。宜曰鄭公
鄉。昔東海于公。僅有一節。猶或戒鄉人。侈其門
閭。矧乃鄭公之德。而無駟牡之路。可廣開門衢。

令容高車。號爲通德門。

修鄭公宅教

立。在徐州。文舉欲其還郡。敦請懇惻。使人繼蹟。又教曰。

鄭公久遊南夏。今艱難稍平。儻有歸來之思。無寓人於我室。毀傷其藩垣。林木必繕治。牆宇以俟還。

告昌安縣教

邑人高幼。自言辟得井中鼎。夫鼎久潛于井。德之休明。雖小重也。黃耳金鉉。利貞之象。國遭凶。

荒彝器出。或者明以饗人。

下高密恤鄧子然教

志士鄧子然告困焉。得愛釜庾之間。以傷烈士之心。與豆三斛。後乏復言。

答王修教

修爲孔融主簿。舉孝廉。修讓郗原。融不聽。

原之賢也。吾已知之矣。昔高陽氏有才子八人。堯不能用。舜實舉之。原可謂不患無位之士。以遺後賢。不亦可乎。

又答

修重辭
融答

掾清身潔已。厯試諸難。謀而鮮過。惠訓不倦。余嘉乃勲。應乃懿德。用升爾于王庭。其可辭乎。

書

與曹操論盛孝章書

憲字孝章，會稽人，初爲臺郎，路逢融，時
十餘歲，載歸與言，知其奇，尋舉孝廉，補
尚書郎，稍遷吳郡太守，以疾去官，歸鄉
里，孫策平吳，忌憲名，囚之，融與操書，由
是徵爲騎都尉，徵命
未至，爲孫權所害。

歲月不居，時節如流，五十之年，忽焉已至。公爲
始滿，融又過二。海內知識，零落殆盡。惟會稽盛
孝章尚存。其人困於孫氏，妻孥湮沒，單子獨立。
孤危愁苦，若使憂能傷人，此子不得復永年矣。

春秋傳曰諸侯有相滅亡者桓公不能救則桓公恥之。今孝章實丈夫之雄也。天下談士依以揚聲。而身不免於幽執。命不期於旦夕。是吾祖不當復論損益之友。而朱穆所以絕交也。公誠能馳一介之使。加咫尺之書。則孝章可致。友道可弘矣。今之少年喜謗前輩。或能譏評孝章。孝章要爲有天下大名。尤牧之人。所共稱歎。燕君市駿馬之骨。非欲以騁道里。乃當以招絕足也。維公匡復漢室。宗社將絕。又能正之。正之之術。

實須得賢。珠玉無經而自至者。以人好之也。況
賢者之有足乎。昭王築臺以尊郭隗。隗雖小才。
而逢大遇。竟能發明主之至心。故樂毅自魏往。
劇辛自趙往。鄒衍自齊往。嚮使郭隗倒懸而王
不解。臨溺而王不拯。則士亦將高翔遠引。莫有
北首燕路者矣。凡所稱引。自公所知。而復有云
者。欲公崇篤斯義也。因表不悉。

與曹操論酒禁書

公初當來。邠人咸抃舞踊躍。以望我后。亦旣至。

止酒禁施行。夫酒之爲德久矣。古先哲王。類帝
禋宗。和神定人。以齊萬國。非酒莫以也。故天垂
酒星之耀。地列酒泉之郡。人著旨酒之德。堯不
千鍾。無以建太平。孔非百觚。無以堪上聖。樊噲
解卮鴻門。非豕肩鍾酒。無以奮其怒。趙之廝養。
東迎其主。非引卮酒。無以激其氣。高祖非醉斬
白蛇。無以暢其靈。景帝非醉。幸唐姬。無以開中
興。袁盎非醕醪之力。無以脫其命。定國不酣飲。
一斛。無以決其法。故酈生以高陽酒徒著功於

漢屈原不餽醴醕取困於楚由是觀之酒何
負於政哉

又書

昨承訓答陳二代之禍及衆人之敗以酒亡者
實如來誨雖然徐偃王行仁義而亡今令不絕
仁義燕噲以讓失社稷今令不禁謙退魯因儒
而損今令不棄文學夏商亦以婦人失天下今
令不斷婚姻而將酒獨急者疑但惜穀耳非以
亡王爲戒也

啁曹操討烏桓書

大將軍遠征。蕭條海外。昔肅慎氏不貢楛矢。丁零盜蘇武牛羊。可并案也。

報曹操書

猥惠書教。告所不逮。融與鴻豫州里比鄰。知之最早。雖嘗陳其功美。欲以厚於見私。信於爲國。不求其覆。過掩惡。有罪望不坐也。前者黜退。歡欣受之。昔趙宣子朝登韓厥。夕被其戮。喜而求賀。況無彼人之功。而敢枉當官之平哉。忠非三

閭智非鼯錯竊位爲過。免罪爲幸。乃使餘論遠聞。所以慙懼也。朱彭寇賈爲世壯士。愛惡相攻。能爲國憂。至於輕弱薄劣。猶昆蟲之相嚼。適足還害其身。誠無所至也。晉侯嘉其臣所爭者大。而師曠以爲不如心競。性旣遲緩。與人無傷。雖出胯下之負。榆次之辱。不知貶毀之於已。猶蚊蚋之過也。子產謂人心不相似。或矜執者欲以取勝爲榮。不念宋人待四海之客。大壚不欲令酒酸也。至於屈穀巨瓠。堅而無竅。當以無用罪。

之耳。他者奉尊嚴教，不敢失墜。邠爲故吏，融所
推進。趙衰之拔卻縠，不輕公叔之升臣也。知同
其愛，訓誨發中。雖懿伯之忌，猶不得念。况恃舊
交，而欲自外於賢吏哉？輒布腹心，修好如初。苦
言至意，終身誦之。

答虞翻書

示所著易傳，自商瞿以來，舛錯多矣。去聖彌遠，
衆說騁辭。曩聞延陵之理樂，今覩吾君之治易。
知東南之美者，非但會稽之竹箭焉。又觀象雲

物察應寒溫。推本禍福。與神合契。可謂探蹟旁
通者已。方世清聖。上求賢者。梁邱以卦筮甯世。
劉向以洪範昭名。想當來翔。追蹤前列。相見乃
盡。不復多陳。

與韋甫休書

使君足下。懷遠垂勲。西戎卽叙。前別意恨甚多。
不悉。辛從事至。承獲所訊。喜而起居不恙。而到
也。云便結駟。徑至舊治。西土之人。宗服令德。解
仇崇好。以順風化。萬里雍穆。如樂之和。雖爲國

家威靈感應。亦實士穀堪事之效也。昔伯安由
幽都而登上司。子琰以豫州而取宰相。近事未
遠。當勉功業。以豐此慶耳。間僻疾動。不得復與
足下岸幘廣坐。舉杯相於。以爲邑邑。

又

前日元將來。淵才亮茂。雅度弘毅。偉世之器也。
昨日仲將又來。懿性貞實。文敏篤誠。保家之主
也。不意雙珠近出老蚌。甚珍貴之。

與王朗書

朗漢末爲會稽太守。孫策渡江畧地。與策戰。敗績。乃詣策。令使詰讓。朗對謝服。曹操爲司空。表徵之。未至。融與之書。朗自曲阿展轉江海。積年乃至。拜諫議大夫。叅司空軍事。

世路隔塞。情問斷絕。感懷增思。前見章表。知尋湯武罪已之迹。自投東裔。同鯀之罰。覽省未周。涕隕潛然。主上寬仁。貴德宥過。曹公輔政。思賢竝立。策書屢下。殷勤款至。知櫂舟浮海。息駕廣陵。不意黃能突出羽淵也。談笑有期。勉行自愛。

與張紘書

紘爲孫策奉章至許宮留爲侍御史融
等皆與親善後曹操聞策薨令紘輔權
內附出紘爲會稽東部都尉及權討江
夏以東部少事命紘居守遙領所職融
遺紘書

聞大軍西征足下留鎮不有居者誰守社稷深
固折衝亦大勳也無乃李廣之氣循髮益怒樂
一當單于以盡餘憤乎南北竝定世將無事孫
叔投戈絳灌俎豆亦在今日但用離析無緣會
面爲愁歎耳道直途清相見豈復難哉

又

絃旣好文學。又善楷篆。與融書。自書融遺絃書美之。

前勞手筆。多篆書。每舉篇見字。欣然獨笑。如復覩其人也。

喻邴原書

原初署北海功曹。融爲太守。以原爲計佐。是時漢朝陵遲。政以賄成。原乃將家人入鬱洲山中。郡舉有道。融以書喻原。原遂到遼東。

修性保真。清虛守高。危邦不入。久潛樂土。王室多難。西遷鎬京。聖朝勞謙。疇咨雋乂。我徂求定。策命懇惻。國之將隕。痿不恤緯。家之將亡。緹縈

跋涉。彼匹婦也。猶執此義。實望根矩。仁爲已任。
授手援溺。振民於難。乃或晏晏居息。莫我肯顧。
謂之君子。固如此乎。根矩。根矩。可以來矣。

與邴原書

原自遼東。欲歸鄉里。止於三山。融移書與之。原於是復返。積十餘年後。乃遁還。

隨會在秦。賈季在翟。諮仰靡所。歎息增懷。頃知
來至。近在三山。詩不云乎。來歸自鎬。我行永久。
今遣五官掾奉問。榜人舟楫之勞。禍福動靜。告
慰。亂階朱已。阻兵之雄。若碁弈爭梟。

與諸卿書

鄭康成多臆說。人見其名學。謂有所出也。證案大較要在五經四部書。如非此文。近爲妄矣。若子所執。以爲郊天鼓必當麒麟之皮也。寫孝經本當曾子家策乎。

與宗從弟書

知晚節豫學。旣美大弟困而能寤。又合先君加我之義。豈惟仁弟實專承之。凡我宗族。猶或賴焉。

與許博士書

許博士爲漢
樂器融與書

今足下遠以彝器金石並志爲國家來儀之瑞。
亦丈夫之大勳。

論

汝潁優劣論

融以汝南士勝潁川士。陳長文難融。答之曰。汝南戴子高。親止千乘萬騎。與光武皇帝共於道中。潁川士雖抗節。未有頡頏天子者也。汝南許子伯。與其友人共說世俗將壞。因夜舉聲號哭。潁川雖憂時。未有能哭世者也。汝南府許掾。敎太守鄧晨。圖開稻田數萬頃。累世獲其功。夜有火光之瑞。韓元長雖好地理。未有成功見効。如

許掾者也。汝南張元伯身死之後。見夢范巨卿。潁川士雖有奇異。未有能神而靈者也。汝南應世叔讀書五行俱下。潁川士雖多聰明。未有能離婁竝照者也。汝南李洪爲太尉掾。弟殺人當死。洪自劾詣閣乞代弟命。便飲酖而死。弟用得全。潁川士雖尚節義。未有能殺身成仁如洪者也。汝南翟子威爲東郡太守。始舉義兵以討王莽。潁川士雖疾惡。未有能破家爲國者也。汝南袁公著爲甲科郎。上書欲治梁冀。潁川士雖慕

志謹未有能投命直言者也。

聖人優劣論

荀愔等以爲聖人俱受乾坤之醕靈稟造化之
和氣該百行之高善備九德之淑懿極鴻源之
深闊窮品物之情類曠蕩出於無外沈微淪於
無內器不是周不克聖極荀以孔子稱大哉堯
之爲君也唯天爲大唯堯則之是爲覆益衆聖
最優之明文也孔以堯作天子九十餘年政化
洽於民心雅頌流於衆聽是以聲德發聞遂爲

稱首則易所謂聖人久於其道而天下化成百年然後勝殘去殺必世而後仁者也故曰大哉堯之爲君也堯之爲聖也明其聖與諸聖同但以人見稱爲君爾

又

馬之駿者名曰騏驎犬之駿者名曰韓盧犬之有韓盧馬之有騏驎人之聖也名號等設騏驎與韓盧竝是甯能頭尾相當八脚如一無有先後之覺矣

周武王漢高祖論

周武王從后稷以來至其身相承積五十世俱有魚鳥之瑞至高祖一身修德瑞遽有四呂公望形而薦女呂后見雲知其處自蛇分神母哭西入關五星聚又武王伐紂斬而刺之高祖入秦赦子嬰而遣之是寬裕又不如高祖也。

議

馬日磾不宜加禮議

日磾以上公之尊。秉髦節之使。銜命直指。甯輯東夏。而曲媚姦臣。爲所牽率。章表署用。輒使首名。附下罔上。姦以事君。昔國佐當晉軍而不撓。宜僚臨白刃而正色。王室大臣。豈得以見脅爲辭。又袁術僭逆。非一朝一夕。日磾隨從。周旋歷歲。漢律與罪人交關三日已上。皆應知情。春秋魯叔孫得臣卒。以不發揚襄仲之罪。貶不書日。

鄭人討幽公之亂。斲子家之棺。聖上哀矜舊臣。未忍追案。不宜加禮。

肉刑議

古者敦龐。善否區別。吏端刑清。治無過失。百姓有罪。皆自取之。末世凌遲。風俗壞亂。政撓其俗。法官其民。故曰上失其道。民散久矣。而欲繩之以古刑。投之以殘棄。非所謂與時消息者也。紂斲朝涉之脛。天下謂爲無道。夫九牧之地。千八百君。若各刑一人。是天下常有千八百刑也。求

世休和弗可得已。且被刑之人。慮不念生。志在
思死。類多趨惡。莫復歸正。夙沙亂齊。伊戾禍宋。
趙高英布爲世大患。不能止人。遂爲非也。適足
絕人。還爲善耳。雖忠如鬻拳。信如卞和。智如孫
臆。冤如巷伯。才如史遷。達如子政。一罹刀鋸。沒
世不齒。是太甲之思庸。穆公之霸秦。南睢之骨
立。衛武之初筵。陳湯之都賴。魏尚之守邊。無所
復施也。漢開改惡之路。凡爲此也。故明德之君
遠度深惟。棄短就長。不苟革其政者也。

碑

衛尉張儉碑

其先張仲實以孝友左右周室晉主夏盟而張
老延君譽於四方君稟乾綱之正性蹈高世之
殊軌冰潔淵清介然特立雖史魚之勵操叔向
之正色未足比焉中常侍同郡侯覽專權王命
豺虎肆虐威震天下君以西都督郵上覽禍亂
凶國之罪鞫沒賊姦以巨萬計俄而制書案驗
部黨君爲覽所陷亦章名捕逐當世英雄授命

殞身以籍濟君厄者蓋數十人。故克免斯艱。旋宅舊宇。衆庶懷其德。王公慕其聲。州宰爭命辟。大將軍幕府。公車特就家拜少府。皆不就也。復以衛尉徵。明詔嚴切。勅州郡乃不得已而就之。銘曰。

桓桓我君。應天淑靈。皓素其質。允迪忠貞。肆志直道。進不爲榮。赴戟驕臣。發如震霆。凌剛摧堅。視危如甯。

詩

離合作郡姓名字詩

漁父屈節水潛匿友

離魚字

與時進止出行施張

離日字魚日合成魯

呂公磯釣闔口渭傍

離口字

九域有聖

無土不王

離或字口或合成國

好是正直女回于匡

離子字

海外有截隼逝鷹揚

當離乙字恐古文與今文不同合成孔也

六翮

將奮羽儀未彰

離甬字

蛇龍之蟄俾也可忘

離虫字合

成融玫琰隱曜美玉韜光

去玉成文不須合

無名無譽放

言深藏

離與字

案轡安行誰謂路長

離才字合成舉

雜詩二首

巖巖鍾山首。赫赫炎天路。高明曜雲門。遠景灼
寒素。昂昂累世士。結根在所固。呂望老匹夫。苟
爲因世故。管仲小因臣。獨能建功祚。人生有何
常。但患年歲暮。幸托不肖軀。且當猛虎步。安能
苦一身。與世同舉厝。由不慎小節。庸夫笑我度。
呂望尚不希。夷齊何足慕。

遠送新行客。歲暮乃來歸。入門望愛子。妻妾向
人悲。聞子不可見。日已潛光輝。孤墳在西北。常

念君來遲。褰裳上墟邱。但見蒿與薇。白骨歸黃
泉。肌體乘塵飛。生時不識父。死後知我誰。孤魂
遊窮暮。飄颻安所依。人生圖享息。爾死我念追。
俛仰內傷心。不覺淚沾衣。人生自有命。但恨生
日希。

臨終詩

言多令事敗。器漏苦不密。河潰蟻孔端。山壞由
猿穴。涓涓江漢流。天窗通冥室。讒邪害公正。浮
雲翳白日。靡辭無忠誠。華繁竟不實。人有兩三。

子少月集
心○安○能○合○爲○一○三○人○成○市○虎○浸○漬○解○膠○漆○生○存○
多○所○慮○長○寢○萬○事○畢○

六言詩三首

漢家中葉道微董卓作亂乘衰借上虐下專威
萬官惶怖莫違百姓慘慘心悲

郭李分爭爲非遷都長安思歸瞻望關東可哀
夢想曹公歸來

從洛到許巍巍曹公憂

一作輔

國無私減去厨膳

甘肥羣僚率從祈祈雖得俸祿常饑念我苦寒

心悲

失題

歸家酒債多。問客粲幾

一作

行高談滿四座。一

日傾千觴。

日曆子微

韻藻辭賦文四書學說

表題

本傳

孔融字文舉魯國人孔子二十世孫也七世祖
霸爲元帝師位至侍中父宙太山都尉融幼有
異才年十歲隨父詣京師時河南尹李膺以簡
重自居不妄接士賓客勅外自非當世名人及
與通家皆不得白融欲觀其人故造膺門語門
者曰我是李君通家子弟門者言之膺請融問
曰高明祖父嘗與僕有恩舊乎融曰然先君孔
子與君先人李老君同德比義而相師友則融

與君累世通家。衆坐莫不歎息。太中大夫陳煒
後至。坐中以告煒。煒曰。夫人小而聰了。大未必
奇。融應聲曰。觀君所言。將不早慧乎。膺大笑曰。
高明必爲偉器。年十三喪父。哀悴過毀。扶而後
起。州里歸其孝。性好學。博涉多該。覽山陽張儉
爲中常侍。侯覽所怨。覽爲刊章下州郡。以名捕
儉。儉與融兄褒有舊。亡抵於褒。不遇。時融年十
六。儉少之而不告。融見其有窘色。謂曰。兄雖在
外。吾獨不能爲君主邪。因留舍之。後事泄。國相

以下密就掩捕。儉得脫走。遂并收襄。融送獄。二人未不知所坐。融曰。保納含藏。融也。當坐之。襄曰。彼來求我。非弟之過。請甘其罪。吏問其母。母曰。家事任長。妾當其辜。一門爭死。郡縣疑不能決。乃上讞之。詔書竟坐襄焉。融由是顯名。與平原陶邱洪陳留邊讓齊聲。稱州郡禮命皆不就。辟司徒楊賜府。時隱覈官僚之貪濁者。將加貶黜。融多舉中官親族。尚書畏迫內寵。召掾屬詰責之。融陳對罪惡。言無阿撓。河南尹何進當遷爲

大將軍楊賜遣融奉謁賀進不時通融卽奪謁
還府投劾而去河南官屬恥之私遣劍客欲追
殺融客有言於進曰孔文舉有重名將軍若造
怨此人則四方之士引領而去矣不如因而禮
之可以示廣於天下進然之旣拜而辟融舉高
第爲侍御史與中丞趙舍不同託病歸家後辟
司空掾拜中軍候在職三日遷虎賁中郎將會
董卓廢立融每因對荅輒有匡正之言以忤卓
旨轉爲議郎時黃巾寇數州而北海最爲賊衝

卓乃諷三府同舉融爲北海相。融到郡收合士民起兵講武。馳檄飛翰引謀州郡。賊張饒等群輩二十萬衆從冀州還。融逆擊爲饒所敗。乃收散兵保朱虛縣。稍復鳩集吏民爲黃巾所誤者男女四萬餘人。更置城邑立學校。表顯儒術。薦舉賢良鄭玄彭璆邴原等。郡人甄子然臨孝存知名早卒。融恨不及之。乃命配食縣社。其餘雖一介之善莫不加禮焉。郡人無後及四方游士有死亡者皆爲棺具而歛葬之。時黃巾復來侵

暴融乃出屯都昌，爲賊管亥所圍。融逼急，乃遣東萊太史慈求救於平原相劉備。備驚曰：「孔北海乃復知天下有劉備邪？」卽遺兵三千救之。賊乃散走。時袁曹方盛，而融無所協附。左丞黃祖者，稱有意謀，勸融有所結納。融知紹操終圖漢室，不欲與同，故怒而殺之。融負其高氣，志在清難，而才疎意廣，迄無成功。在郡六年，劉備表領青州刺史。建安元年，爲袁譚所攻，自春至夏，戰士所餘裁數百人。流矢雨集，戈矛內接。融隱几

讀書談笑自若。城夜陷，乃奔山東，妻子爲譚所虜。及獻帝都許，徵融爲將，作大匠，遷少府。每朝會訪對，融輒引正定議。公卿大夫皆隸名而已。初，太傅馬日磾奉使山東，及至淮南，數有意於袁術，術輕侮之，遂奪取其節，求去又不聽。因欲逼爲軍帥，日磾深自恨，遂嘔血而斃。及喪還，朝廷議欲加禮，融乃獨議不宜加禮。朝廷從之。而論者多欲復肉刑，融建議以爲不可。朝廷善之。卒不改焉。是時荊州牧劉表不供職貢，多行僭

僞遂乃郊祀天地擬斥乘輿詔書班下其事融
上疏宜隱郊祀之事以崇國防五年南陽王馮
東海王祗薨帝傷其早歿欲爲脩四時之祭以
訪於融融對曰聖恩敦睦感時增思悼二王之
靈發哀愍之詔稽度前典以正禮制竊觀故事
前梁懷王臨江愍王齊哀王臨淮懷王並薨無
後同產昆弟卽景武昭明四帝是也未聞前朝
脩立祭祀若臨時所施則不列傳紀臣愚以爲
諸在冲薨聖慈哀悼禮同成人加以號謚者宜

稱上恩祭祀。禮畢而後絕之。至於一歲之限。不合禮意。又違先帝已然之法。所未敢處。初曹操攻屠鄴城。袁氏婦子多見侵畧。而操子丕私納袁熙妻甄氏。融乃與操書。稱武王伐紂。以妲己賜周公。操不悟。後問出何經典。對曰。以今度之。想當然耳。後操討烏桓。又嘲之。時年饑兵興。操表制酒禁。融頻書爭之。多侮慢之辭。既見操雄詐漸著。數不能堪。故發辭偏宕。多致乖忤。又嘗奏宜準古王畿之制千里。寰內不以封建諸侯。

操疑其所論建漸廣益憚之然以融名重天下
外相容忍而潛忌正議慮鯁大業山陽郗慮承
望風旨以微法奏免融官因顯明讐怨操故書
激厲融融荅之歲餘復拜太中大夫性寬容少
忌好士喜誘益後進及退閑職賓客日盈其門
常歎曰坐上客常滿尊中酒不空吾無憂矣與
蔡邕素善邕卒後有虎賁士貌類於邕融每酒
酣引與同坐曰雖無老成人宜有典刑融聞人
之善若出諸已言有可採必演而成之面告其

短而退稱所長薦達賢士多所獎進知而未言以爲已過故海內英俊皆信服之曹操旣積嫌忌而郗慮復構成其罪遂令丞相軍謀祭酒路粹枉狀奏融曰少府孔融昔在北海見王室不靜而招合徒衆欲規不軌云我大聖之後而見滅於宋有天下者何必卯金刀及與孫權使語謗訕朝廷又融爲九列不遵朝議禿巾微行唐突宮掖又前與白衣禰衡跌蕩放言云父之於子當有何親論其本意實爲情欲發耳子之於

母亦復笑爲譬如寄物瓶中出則離矣旣而與
衡更相贊揚衡謂融曰仲尼不死融荅曰顏回
復生大逆不道宜極重誅書奏下獄棄市時年
五十六妻子皆被誅初女年七歲男年九歲以
其、幼、弱、得、全、寄、宅、舍、二、子、方、弈、棋、融、被、收、而、不
動左右曰父執而不起何也荅曰安有巢毀而
卵不破乎主人有遺肉汁男渴而飲之女曰今
日之禍豈得久活何賴知肉味乎兄號哭而止
或言於曹操遂盡殺之及收至謂兄曰若死者

有知得見父母豈非至願乃延頸就刑顏色不變莫不傷之初京兆人脂習元升與融相善每戒融剛直及被害許下莫敢收者習往撫尸曰文舉舍我死吾何用生爲操聞大怒將收習殺之得赦出魏文帝深好融文辭歎曰楊班儔也募天下有上融文章者輒賞以金帛所著詩頌碑文論議六言策文表檄教令書記凡二十五篇文帝以習有樂布之節加中散大夫

論曰昔諫大夫鄭習有言山有猛獸者藜藿爲

之不採是以孔父正色不容弑虐之謀平仲立
朝有紓盜齊之望若夫文舉之高志直情其足
以動義槩而忤雄心故使移鼎之迹事隔於人
存代終之規啓機於身後也夫嚴氣正性覆折
而已豈有員園委屈可以每其生哉懔懔焉皜
皜焉其與琨玉秋霜比質可也

贊曰北海天逸音情頓挫越俗易驚孤音少和
直轡安歸高謀誰佐

孔少府集終



